

四庫全書

子部

欽定四庫全書

子部

喻林卷五十二

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣朱炘

謄錄舉人臣曹勳祖

欽定四庫全書

喻林卷五十二

明 徐元太 撰

人事門 五十

用術

鈞距者設欲知馬賈則先問狗已問羊又問牛然後及馬參伍其賈以類相準則知馬之貴賤不失實矣唯廣漢至精能行之它人效者莫能及也

前漢書趙廣漢傳

家挾殊議人懷異計故從橫者歛披其胷狙詐者暫吐

其舌也

蜀志卻  
正傳

朝四暮三衆狙皆喜名實未虧而喜怒為用

南史梁  
本紀中

故關之押闔制之以出入押之者開也言也陽也闔之

者閉也默也陰也

鬼谷子  
押闔

故押者或押而出之或押而納之闔者或闔而取之或

闔而去之押闔者天地之道

鬼谷子  
押闔

或開而示之或闔而閉之開而示之者同其情也闔而

閉之者異其誠也

鬼谷子  
押闔

符應不失如騰蛇之所指若羿之引矢

鬼谷子  
反應

其張且網而取獸也多張其會而司之道合其事彼自出之此釣人之網也常持其網驅之其言無比乃為之

變

鬼谷子  
反應

皆見其權衡輕重乃為之度數聖人因而為之慮其不

中權衡度數聖人因而自為之慮

鬼谷子  
押闕

此飛箝之綴也用於人則空往而實來綴而不失以究其辭可箝而從可箝而橫可引而東可引而西可引而

南可引而北可引而反可引而覆

鬼谷子  
飛箝

樞所以主門之動靜機所以主弩之放發言既知其諸  
侯智謀能否然後立法鎮其動靜制其放發猶樞之於

門機之於弩

鬼谷子  
飛箝註

古之善摩者如操鈎而臨深淵餌而投之必得魚焉

鬼谷

子摩  
篇

西門豹為濮令佯亡其車轄令吏求之不能得使人求

而得之家人屋間

韓非子內儲  
說上七術

周主下令索曲杖吏求之數日不能得周主私使人求之不移日而得之乃謂吏曰吾知吏不事事也曲杖甚易也而吏不能得我令人求之不移日而得之豈可謂忠哉吏乃皆悚懼以君為神明

韓非子內儲說上七術

周主亡玉簪令吏求之三日不能得也周主令人求而得之家人之屋間周主曰吾知吏之不事事也求簪三日不得之吾令人求之不移日而得之於是吏皆悚懼以為君神明也

韓非子內儲說上七術

有相與訟者子產離之而毋得使通辭倒其言以告而知也惠嗣公使人偽關市關市呵難之因事關市以金關市乃舍之嗣公謂關市曰其時有客過而予汝金因

譴之關市大恐以嗣公為明察

韓非子外儲說左上

人主之大物非法則術也法者編著之圖藉設之於官府而布之於百姓者也術者藏之於胷中以偶衆端而潛御羣臣者也故法莫如顯而術不欲見是以明主言法則境內卑賤莫不聞知也不獨滿於堂用術則親愛



近習莫之得聞也不得滿室而管子猶曰言於室滿室

言於堂滿堂非法術之言也

韓非子  
難三

御圓者不以信誠率衆執方者必以權謀自顯

文選袁  
宏名臣

序  
贊

以智力求者喻如奕奕進退取與攻劫故舍在我者也

藝文類聚巧  
藝部圍碁

善說者若巧士因人之力以自為力因其來而與來因

其往而與往聽因便也

太平御覽人  
事部游說下

投鼠者機動釣魚者機浮

太平御覽  
獸部鼠

傳稱蘇秦張儀學縱橫之術於鬼谷先生掘地為坎曰  
能下說合我泣出則能分人主之地蘇秦說鬼谷先生

泣沾衿張儀下說鬼谷先生泣亦沾衿

太平御覽人  
事部游說下

縛葦作機關多用於綆縷

大莊嚴經  
論卷四偈

### 排善

夫至音不合衆聽故伯牙絕絃至寶不同衆好故卞和  
泣血仲尼聖德而不容於世况於竹帛餘文其為雷同

者所排固其宜也

後漢書陳元列傳

羣犬吠新客佞閭排疎賓直途既以塞曲路非所遵

魏書

胡叟傳

世俗之君子視義士不若負粟者今有人於此負粟息於路側欲起而不能君子見之無長少貴賤必起之何故也曰義也今為義也君子奉承先王之道以語之縱不說而行又從而非毀之則是世俗之君子之視義士

也不若視負粟者

墨子貴義

為義而不能必無排其道譬若匠人之斲而不能必無

排其繩

墨子  
責義

百人操觴不可為固結千人謗獄不可為直辭萬人比

非不可為顯士

說苑  
雜言

言飄風轉運揚起塵埃搖動草木使之即時枯槁蕪葉  
被病不得盛長以言讒人亦運轉其言紛歷忠直使之

被病而傷刑也

王逸註楚  
辭九歎

魏女色豔鄭袖鼻之朝吳忠貞無忌逐之戚施彌妬遂

除多佞是故濕堂不灑塵卑屋不蔽風風衝之物不得

育水湍之岸不得峭

王充論衡  
累害篇

以塗搏泥以黑點繒孰有知之清受塵白取垢青繩所  
汙常在練素處顛者危執豐者虧頽墜之類常在懸垂

屈平潔白邑犬羣吠吠所怪也

王充論衡  
累害篇

非鷓擅蒿林仰笑神鳳飛坎井蝮蛭宅神龜安所歸

嵇中

散集述

志詩

夫直繩者枉木之所憎也清公者姦慝之所讎也

抱朴  
子外

篇名  
實

曾閔獲商人之謗孔墨蒙盜跖之垢懷正居貞者填笮  
乎泥濘之中而狡猾巧偽者軒翥乎虹霓之際矣

抱朴子外

篇審  
舉

弘偉之士履道之生其崇信匪徒重仞之牆其淵澤不  
唯呂梁之深也故短近不能賞而淺促不能側焉因以  
異乎已而薄之矣以不求我而疾之矣不貴不用何足  
言乎乃有播埃塵於白珪生瘡痂於玉肌訕疵雷同攻

伐獨立曾參蒙劫剽之垢巢許獲穿窬之謗自匪明竝  
懸象玄鑿表微者焉能披泥抽淪玉澄川擬沉珠哉

抱朴

子外篇  
推才

讒邪人之蔽善人也猶朝日洞明霧甚則不見天沙石  
至淨流濁則不見地雖有明淨之質而不發明者水霧  
蔽之也蘭蓀欲茂秋風害之賢哲欲正讒人敗之

劉子  
傷讒

夫忠直之迂於主獨立之負於俗理勢然也故木秀於  
林風必摧之堆出於岸流必湍之行高於人衆必非之

文選李康  
運命論

蘭薰而摧玉貞則折物忌堅芳人諱明潔

文選顏延之  
祭屈原文

任重載盛兮陷滯而不濟懷瑾握瑜兮窮不知所示邑

犬羣吠兮吠所怪也誹駿疑傑兮固庸態也

廣文選屈  
平懷沙

顧浩日之顯行兮雲濛濛而蔽之竊不自聊而願忠兮

或默點而汙之

廣文選宋  
玉九辯

齊景公惡仲尼為魯政犁鉏曰去仲尼如吹毛耳

意林  
韓子

智海廣難量不測反增謗牛飲水成乳蛇飲水成毒

大方



廣佛華嚴經  
辯卷十二

猶如雲霧障蔽淨月

本緣經月  
光王品

夫鷄旦鳴夜不翻白日之光精銜銜石無損滄海之勢  
然以闇亂明以小固大雖莫動毫髮而有塵眦聽

弘明  
集序

### 害正

牀者人之所以安也剥牀之足滅下之道也下道始滅  
剛隕柔長則正削而凶來也

王弼註  
易剥

剥之為害小人得寵以消君子貫魚者謂衆陰也駢頭

相次以若貫穿之魚

周易正義

為惡不已如彼翻飛之蟲恃其羽翮之力自恣東西南

北有時亦為弋者所獲言貪人恃此詐偽之智自恣侵

害良善有時亦將為所誅

毛詩正義

貪人之敗善類若大風之行毀壞衆物所在成蹊徑杜氏

解左傳文

公元年

神異經云崑崙西有獸焉其狀如犬長毛四足似熊而無爪人有德行而往抵角有凶惡而行依憑之名渾沌

史記五帝本  
紀虞舜註

西北有獸其狀似虎有翼能飛便勦食人知人言語聞

人鬪輒食直者聞人忠信輒食其鼻聞人惡逆不善輒

殺獸往饋之名曰窮竒

史記五帝本  
紀虞舜註

夫衆煦漂山聚蟲成雷朋黨執虎十夫撓推是以文王  
拘於羑里孔子阨於陳蔡此乃烝庶之成風增積之生

害也

前漢書景  
十三王傳

使朱紫共色粉墨雜蹂所謂抵金玉於沙礫碎珪璧於

泥塗

後漢書黃瓊列傳

乃欲撓折棟梁孤弱漢室

後漢書袁紹列傳

士有懷琬琰以就煨塵者亦何可支哉

後漢書竇融列傳論

渭以涇濁玉以礫貞物性既區嗜惡從形蘭猶無竝銷

長相傾徒恨芳膏煎灼燈明

後漢書黨錮列傳

忠臣碎於虎口貞良弊於豺狼

宋書武帝上本紀

從昏者忌明同枉者毀正搦弦為鉤張一作百行坐效

噓皆生風塵

宋書文九王建平傳

衆霧麗集共奪日光

焦氏易林  
噬嗑之艮

比陸陽伏不知黑白君子傷讒正害善人

焦氏易林  
恒之履

他山之錯與璆為仇

焦氏易林  
明夷之明夷

否則介鱗易我衣裳

揚子  
孝至

百草為稼穡之穢讒佞亦為忠直之害也

王逸註楚  
辭離騷經

言芳草為物其性微眇易以隕落言賢者用志精微亦

易傷害也

王逸註楚  
辭九章

言秋時百草將實微霜夜下而殺之使不得成熟也以

言讒人晨夜毀已亦將害已身使其忠名不得成也

王逸

註楚辭

七諫

言破和氏之璧以繼築杵而春敗玉寶失其好也以言

取賢人刑傷使執斲役亦害忠良失其宜也

王逸註楚辭九歎

回風為飄以喻小人造飾奸偽賊害仁賢為君垢穢如

回風之起塵埃也

王逸註楚辭九思

佞人欲害賢如蠱之有螫毒

王逸註楚辭九思

讒人畫蛇足於無形姦臣畏忠貞之害已

抱朴子外篇擢才

虹蜺邪陰之氣而有照耀以蔽日月云讒言流行忠良

浸微也

前漢書註  
息夫傳

小水不容大魚而橫鱣鯨於汙瀆必為螻蟻所制以况  
小朝主闇不容受忠逆之言亦為讒賊小臣所害

前漢  
書註

賈誼  
傳

黃鵠後時而寄處兮鴉梟羣而制之神龍失水而陸居  
兮為螻蟻之所裁夫黃鵠神龍猶如此兮况賢者之逢

亂世哉

補文選賈  
誼甫逝

譬如鴆毒藥以和甘露漿所向無不壞飲之皆仆僵

優填

玉經

衣六

佛言惡人害賢者猶仰天而唾唾不汙天還汙已身逆

風全人塵不汙彼還全于身賢者不可毀禍必滅已也

佛說四十二

章經尺一

如金翅鳥欲食法龍斷法雨乎汝如惡風吹滅法炬是

大惡象欲拔法樹

本緣經月光王品

法岳崩壞法船流沒法樹已摧法海枯竭

阿曹王傳三



然道大信難聲高和寡須彌峻而藍風起寶藏積而怨

賊生

弘明集序

芳蘭竝茂而欲蘊崇焚之不亦暴乎

弘明集釋駁論

### 害人

禹以四海為壑今吾子以鄰國為壑

孟子告子下

今有人於此入人之場園取人之桃李瓜薑者上得且罰之衆聞則非之是何也曰不與其勞獲其實已非其有所取之故而况有踰於人之牆垣担格人之子女者

乎與角人之府庫竊人之金玉蚤纍者乎與踰人之欄  
窖竊人之牛馬者乎而况有殺一不辜人乎

墨子非攻下

子墨子見齊大王曰今有刀於此試之人頭倅然斷之  
可謂利乎大王曰利子墨子曰多試之頭倅然斷之可  
謂利乎大王曰利子墨子曰刀則利矣孰將受其不祥  
大王曰刀受其利試者受其不祥子墨子曰并國覆軍  
賊教百姓孰將受其不祥大王俯仰而思之曰我受其

不祥

墨子  
魯問

今人曰某氏多貨其室培濕守狗死其勢可穴也則必非之矣曰某國饑其城郭痺其守具寡可襲而篡之則

不非之乃不知類矣

呂氏春秋聽言

善射者發不失的善於射矣而不善所射善釣者無所失善於釣矣而不善所釣故有所善則不善矣

淮南子說山訓

親莫親於骨肉節族之屬連也心失其制乃反自害况

疏遠乎

淮南子說林訓

鬻棺者欲民之疾病也畜粟者欲歲之荒饑也

淮南子說林訓

愚人縱火於沛澤不能復振蜂螫人放死不能息其

毒也

鹽鐵論  
申韓

莒子展與虛而好劍苟鑄劍必試諸人

太平御覽  
人事部貪

雖霜戈曜日寶劍暉天此乃凶荒之具非太平之器也

道德經註

疏卷三

譬如旃陀羅常於冢間行求死屍無慈悲心視於衆生

得見死屍心大喜悅

大寶積經卷  
一百一十三

譬如多毒能傷害人少亦能害

華手經  
卷七

如種藥樹有人剪伐不令增長是人則壞無量衆生療

治病事令多衆生為病所困

華手經卷八

猶如獵師見彼羣鹿但欲殺之無一善念

長阿舍經卷二十二

譬如野澤之中獵者見麋鹿欲害殺之

樓灰經三小劫品

譬如蛟龍不擇好醜唯欲殺人

大智度論卷十四

失人

交交黃鳥止于棘○交交黃鳥止于桑○交交黃鳥止

于楚

詩國風黃鳥

伐檀君子能其宦而不用魏人慕之而作是詩

詩說魏

此所謂衣褐懷寶者也當其貧困時人莫省視至其貴也乃爭附之諺曰相馬失之瘦相士失之貧其此之謂

邪

史記滑稽傳

公愛班固而忽崔駰此葉公之好龍也

後漢書崔駰列傳

衛人有病將死者扁鵲至其家欲為治之病者之父謂扁鵲曰吾子病甚篤將為迎良醫治非子所能治也退而不用乃使靈巫求福請命對扁鵲而咒病者卒死靈

巫不能治也夫扁鵲天下之良醫而不能與靈巫爭用

者知與不知也

陸子資質

鴻魚逆流至人潛處蓬蒿代柱天屋顛倒

焦氏易林同人之屯

明德隱伏麟鳳遠匿

焦氏易林隨之歸妹

鴻鵠失珠無以為明

焦氏易林臨之師

夫智大量遠者盤桓以山峙器小志近者蓬飛而萍浮  
夫唯山峙故莫之能動焉夫唯萍浮故流而不滯焉方  
之貨也則緘連以待賈者唯至珍而難售鳴鼓以徇之

者雖凡蔽而易盡比之材也則結根於嵩岱者雖竦蓋  
千仞垂蔭萬畝而莫之知也插株於塗要者雖鉤曲戾  
細而速朽而猶見用也故廟堂有枯楊之瑚簋窮谷多

不伐之梓椽也

抱朴子外  
篇名實

恐千里之足屈於槽檻之下贊世之才委於壟畝之間

藝文類聚治  
政部薦舉表

被裘公者吳人也延陵季子出遊見道中遺金顧而覩  
之謂公曰取彼金公投鑣瞋目拂手而言曰何子居之



高視之卑吾被裘而負薪豈取遺金者哉季子大驚既  
謝而問其姓名曰吾子皮相之士何足語姓名哉

藝文類聚

人部隱  
逸上

楊公用人如貧士市瓜取其大者

何氏語  
林輕詆

徒近玄流無心灑垢神醫在側不知愈疾

玉清經  
法印品

失時

九五枯楊生華老婦得其士夫

易大  
過

不出門庭凶失時極也

易節

若其不明終始之道應潛而飛應飛而潛應生而殺應

殺而生六位不以時而成也

周易正義乾

山有樞隰有榆子有衣裳弗曳弗妻子有車馬弗馳弗

驅宛其死矣他人是愉○山有栲

音考

隰有杻

音紐

子有廷

內弗灑弗掃子有鐘鼓弗鼓弗考宛其死矣他人是保

○山有漆

音七

隰有粟子有酒食何不日鼓瑟且以喜樂

且以永日宛其死矣他人入室

詩國風山有樞

盛德不報重寄不歸天與不受天奪之寶

史記龜策傳

若其義和促轡大火西頽臨川恨晚將復何階

晉書皇甫謐傳

寧謂尉羅裁舉微禽先落闔闔始吹細草仍墜

梁書王僧儒傳

夫遭風雲之會不建騰躍之功者非人豪也

北史張袞傳

跛躓未起失利後市

焦氏易林屯之用

秋冬探巢不得鵲雛

焦氏易林訟之睽

逐兔索烏破我弓車日暮不及失利後時

焦氏易林履之井

固陰沍寒常冰不溫

焦氏易林泰之噬嗑

久陰霖雨塗行泥潦商人休止市空無有

焦氏易林謙之恒

兩足不獲難以遠行疾步不能後侶失時

焦氏易林  
豫之泰

秋季孟冬寒露霜降大陰在庭庶物不生

焦氏易林  
蠱之夬

鬱映不明陰積無光日在北陸萬物彫藏

焦氏易林  
无妄之蒙

鶴鳴九臯處子失時

焦氏易林  
无妄之解

寒露所凌漸致堅冰草木瘡瘍花落葉亡

焦氏易林  
坎之解

六月種黍歲晚無雨

焦氏易林  
恒之革

寒燠失時陽旱為災

焦氏易林  
明夷之同人

積水不溫北陸苦寒露宿多風君子傷心

焦氏易林  
睽之巽

陽伏在下陰制祐福生不逢時潛龍隱處

焦氏易林萃之頤

次三東辰以明不能以行測曰東辰以明奚不逝也

太玄

經第

一童

言黃鵠一飛千里常集高山茂林之上設後時而欲寄處則鴟梟羣聚禁而制之不得由也言賢者失時後輩

亦為讒佞所排逐之

王逸註楚辭惜誓

幸遭聖主平世而久懷寶是伯牙去鍾期而舜禹遁帝

堯也

文選王褒四子講德論

盍亦因子都而事博陸憑鷁首以涉洪流蹈翠雲以駭  
逸龍振光躍以驚沈繭徒屈靈蟠於埽井眄天路而不

遊

廣文選東廣  
微玄居釋

不知盱豫之讖悔遲而忘夫朋盍之義務疾亦登海湄  
而抑東流之水臨虞泉而招西歸之日

廣文選東廣  
微玄居釋

微霜降而下淪兮悼芳草之先蒿

楚辭  
遠遊

如彼引鯤魚待盡守空梁

藝文類聚  
人部愁詩

頭白可期汗青無日

事文類  
聚作史

龍門有奇價自言梧桐枝華暉實掩映細葉能披離不

降周王子空待歲時移嚴風忽交勁遂使無人知

初學  
記果

木部  
桐

凡治瘡先發如食頃乃可以治過之則失時也

黃帝素  
問內經

刺瘡  
論

如曉時燈雖有無用

禪要呵  
欲經

昔有愚人將會賓客欲集牛乳以俟供設而作是念我  
今若預於日日中擊取牛乳牛乳漸多都無安處或復

酢敗不如即就牛腹盛之待臨會時當頓聲取作此念  
已便捉犝牛母子各繫異處却後一月爾乃設會延置  
賓客方牽牛來欲聲乳取而此牛乳即乾無有時為衆

賓或瞋或笑

百喻經  
卷上

世間愚人亦復如是不別時節春夏秋冬夏便於冬時擲  
種土中望得果實徒喪其功空無所獲芽莖枝葉一切

都失

百喻經  
卷下

過時



九三日昃之離不鼓缶而歌則大耋之嗟凶象曰日昃

之離何可久也

易離

桑之落矣之時其葉黃而隕墜以興婦人年之老矣之

時其色衰而彫落

毛詩正義  
義泯六

梅實尚餘七未落喻始衰也謂女二十春盛而不嫁至

夏則衰

鄭氏箋詩  
標有梅

若爾之年者冢上之木拱矣

公羊僖公  
三十三年

田光曰臣聞騏驎盛壯之時一日而馳千里至其衰也

駑馬先之今太子聞光壯盛之時不知吾精已消亡矣

戰國策

燕王喜

今夫烏獲舉千鈞之重行年八十而求扶持故齊雖強

國也西勞於宋南罷於楚則齊軍可敗而河間可取

戰國

策燕

昭王

徒恐鷓鴣之將鳴兮顧先百草為不芳

前漢書揚雄傳上

田彼南山蕪穢不治種一頃豆落而為箕人生行樂耳

須富貴何時

前漢書揚惲傳

跛踦相隨日暮牛罷陵遲後旅失利亡雌

焦氏易林  
乾之渙

老楊日衰條多枯枝

焦氏易林  
蒙之訟

冬生不花老女无家霜冷蓬室競為枯株

焦氏易林  
蒙之兌

早凋被霜花葉不長

焦氏易林  
蒙之中孚

酒為酸漿魴鳧鮑羹

焦氏易林  
豫之小畜

日在阜顛嚮昧為昏小人成羣君子傷倫

焦氏易林  
隨之明夷

枯竹後生失其寵榮

焦氏易林  
頤之兌

南至之日陽消不息北風烈寒萬物藏伏

焦氏易林  
坎之歸妹

海老水乾魚鼈蕭索

焦氏易林  
遯之否

歲暮花落陽入陰室

焦氏易林  
夬之坤

夜長日短陰為陽賊萬物空枯藏於北陸

焦氏易林  
夬之明夷

朝暮日月四馬過隙歲短期促時難再得

焦氏易林  
鼎之大壯

次八月高弦火幾縣不可以動動有愆測曰月弦火縣

恐見咎也

太玄經  
第五去

次六日失烈烈君子將衰降

太玄經  
第六將

狡兔訖則知獵犬之不用高鳥盡則覺良弓之將棄

抱朴

子外篇  
知止

風吹飛藿之時蓋桃李零落之日華實既盡柯葉又彫

無復一毫可悅

李善註文選阮嗣宗詠懷詩

恃已知而華予兮鷓鴣鳴而不芳冀一年之三秀兮適

白露之為霜

文選思玄賦

傷彼蕙蘭花含英揚光輝過時而不采將隨秋草萎

文選

古詩

嘉樹下成蹊東園桃與李秋風吹飛藿零落從此始繁

華有憔悴堂上生荆杞

藝文類聚人部言志詩

語曰夜行被繡不足為榮

藝文類聚人部別下書

團團明月魄滿則缺亭亭陽暉曜過則逝

藝文類聚禮部婚儀

昔周人有仕不遇年老白首泣涕於途者或問何為泣

乎對曰吾仕數不遇自傷年老失時是以泣

藝文類聚人部泣

吾年往志盡譬如八百錢馬死生同價

藝文類聚獸部馬

歲習習其若頽兮時亦冉冉而將至頽蘅槁而節離兮

芳已歇而不比

楚辭九章悲回風

譬如折輪無所復用老苦將至亦復如是

元陽妙經卷一

如大富家豐諸珍寶衣服卧具怨賊入家劫奪家資悉皆空盡男子盛年壯色亦復如是常為老賊之所劫奪

元陽妙經卷一

老如形變喻如故車

法句經老耄品

老如白鷺守伺空池

法句經老耄品

### 業雜

晉如鼯鼠无所守也者蔡邕勸學篇云鼯鼠五能不成

一伎

周易正義

如當路築室得人而與之謀所為路人之意不同故不

得遂成也

鄭氏箋詩小旻

士農工商四民者國之石民也不可使雜處雜處則其

言隳其事亂

管子小匡

青染於白而白不全滅是青不勝白之謂也潔白之質而為青所染是白不勝青之謂也謂之青而白猶不滅謂之白而為青所染兩色並章故曰兩明也

公孫龍子通變論註



賈多端則貧工多技則窮心不一也故木之大者害其  
條水之大者害其深有智而無術雖鑽之不通有百技  
而無一道雖得之弗能守

淮南子  
詮言訓

喜武非俠也喜文非儒也好方非醫也好馬非駒也知  
音非瞽也知味非庖也此有一槩而未得主名也

淮南  
子說

山訓

君子賤二而貴一人孰無善善不一故不足以立身治  
孰無常常不一故不足以致功

春秋繁露  
天道無二

目不能二視耳不能二聽一手不能二事一手畫方一

手畫圓莫能成

春秋繁露  
天道無二

一門二關結弭不便峻道異路日暮不到

焦氏易林  
革之坤

初一蟹之郭索後蚘黃泉測曰蟹之郭索心不一也

太玄

經第  
二鏡

稱干將之利刺則不能擊擊則不能刺非刃不利不能  
一旦二也蚌彈雀則失鸚射鵲則失鴈方圓畫不俱成  
左右視不並見人材有兩為不能成一使干將寡刺而

更擊蜚捨鵲而射鴈則下射無失矣

王充論衡  
書解篇

蟹之後蚶者用心之不一雖有郭索多足之蟹不及無

足之蚶也

太玄經第  
二銳解

純則巧偽息雜則姦邪生

楊子法言  
註明神篇

鼯五伎鼠也能飛不能上屋能緣不能窮木能浮不能

渡谷能伏不能掩身能走不能先人

藝文類聚  
獸部鼠

鴻鶴在上扞弓韞弩待之若發若否問二五弗知非二

五難計也欲鴻之心亂也

太平御覽  
兵部弓

譬如獼猴遊林樹間須臾處處攀捉枝條放一取一阿雜

含經卷

十二

譬如工師多有所能所能多故普不精悉如有人偏能

一事則必盡其美

大智度論  
卷五十三

有羣雞依榛林住有狸侵食雄雞唯有雌在後有烏來

覆之共生一子子作聲時公說偈言此兒非我有野父

聚落母共合生一子非烏復非雞若欲學公聲復是雞

母生若欲學母鳴其父復是烏學烏似雞鳴學雞作烏

聲烏雞二兼學是二俱不成

法苑珠林  
卷五十一

喻林卷五十二

欽定四庫全書

喻林卷五十三

明 徐元太 撰

人事門 五十一

小用

子之武城聞絃歌之聲夫子莞爾而笑曰割雞焉用牛

刀

論語  
陽貨

枳棘非鸞鳳所棲百里豈大賢之路

後漢書循  
吏列傳

傳曰函牛之鼎以烹雞多汁則淡而不可食少汁則熬

而不可執此言大器之於小用固有所不宜也

後漢書文苑列

傳

千鈞之弩不為麕鼠發機萬石之鐘不以筵撞起音

魏志

杜襲傳

摧鸞鳳之翮遊燕雀之宇

蜀志劉巴傳

枉高車以載麗費明珠以彈雀

隋書王貞文學傳

小販之市利不足喜

焦氏易林避之歸妹

利劔宜以為威誅無狀以征不服今乃用斫蓬蒿割熟



肉非其宜也以言使賢者為僕隸之徒非其宜也

王逸註楚

辭九

荆卿朱亥不示勇於怯弱之間孟賁馮婦不奮戈戟於

俚俠之羣英儒碩生不飾細辯於淺近之徒達人偉士

不變皎察於流俗之中

抱朴子外篇博喻

孫興公道曹輔佐才如白地明光錦裁為負版絳非無

文采酷無裁製

世說新語

華譚移前松滋令袁甫曰枯澤非應龍之泉平林非鸞

鳳之窟

太平御覽  
地部林

夫解小而引大了淺而伸深猶以牛刀割雞長爨刈薪

太平御覽

菜茹部薺

張大網以渡鱗蝦辱九鼎以烹鼃鼉

太平御覽  
鱗介部蝦

字說曰善鬪謂之韃非不健也然尾長故飛不能遠譬

諸強學務末勝本則其出入亦不能遠

爾雅  
翼鶯

游虬一壑栖鸞一叢

初學記居  
處部堂

昔有窮寒孤獨老公無以自業遇市得一斧是衆寶之

英而不識之持行斫杖賣之以供微命用斧欲盡見外國治生大賈客名曰薩薄見斧識之便問老公賣此斧不老公言我仰此斧斫杖生活不賣也薩薄復言與公絹百疋何以不賣公謂調已亦不應和薩薄復言何以不見應和與公二百疋公便悵然不樂薩薄復言嫌少當益公何以不樂與公五百疋公便大啼哭言我不恨絹少我愚癡此斧長尺半斫地已盡餘有五寸猶得五百疋是以為恨耳薩薄復言勿復遺恨今與公千疋即

便破券持去此斧衆寶之英耳地博不問多少以斧著

上薪火燒之盡成貴寶

阿育王譬  
喻經基一

可欺

宰我問曰仁者雖告之曰井有仁焉其從之也子曰何  
為其然也君子可逝也不可陷也可欺也不可罔也

論語

雍也

昔者有饋生魚於鄭子產子產使校人畜之池校人烹  
之反命曰始舍之圉圉焉少則洋洋焉攸然而逝子產

曰得其所哉得其所哉校人出曰孰謂子產智予既烹而食之曰得其所哉得其所哉故君子可欺以其方難

罔以非其道

孟子萬章上

夫俗士之牽達人也猶鷓鴣之欺孺子也鷓鴣之性善近人飛不峻也不速也蹲蹲然似若將可獲也卒至乎不可獲是孺子之所以跼膝腕足而不以為弊也俗士之與達人言也受之雖不肯拒之則無說然而有贊焉有和焉若將可寤卒至乎不可寤是達人之所以乾唇

竭聲而不舍也斯人也固達之蔽者也非達之達者也

徐幹中

論貴言

釣者以木為魚丹漆其身近之水流而擊之起水動作  
魚以為真並來聚會夫丹木非真魚也魚含血而有知

猶為象至

王充論衡  
亂龍篇

譬如空拳以誑小兒小兒著故謂以為有

大智度論  
卷四十三

如人手捉重寶有人以少金誑之捨大價寶而取賤物

是名耗減

大智度論  
卷六十九

貪得

碩鼠刺重斂也國人刺其君重斂蠶食於民不修其政

貪而畏人若大鼠也

毛詩碩鼠

所求無厭則不安譬如物偏重則離散

杜氏解左傳哀公十六年

齊人見田駢曰聞先生高議設為不宦而願為役田駢

曰子何聞之對曰臣聞之鄰人之女田駢曰何謂也對

曰臣鄰人之女設為不嫁行年三十而有七子不嫁則

不嫁然嫁過畢矣今先生設為不宦訾養千鍾徒百人

不宦則然矣而富過畢矣

戰國策  
齊宣王

墨子見楚王曰今有人於此舍其文軒隣有敝輿而欲  
竊之舍其錦繡隣有短褐而欲竊之舍其梁肉隣有糟  
糠而欲竊之此為何若人也王曰必為有竊疾矣墨子  
曰荆之地方五千里宋方五百里此猶文軒之與敝輿  
也荆有雲夢犀兕麋鹿盈之江漢魚鼈黿鼉為天下饒  
宋所謂無雉兔鮒魚者也此猶梁肉之與糟糠也荆有  
長松文梓榎楠豫章宋無長木此猶錦繡之與短褐也



臣以王吏之攻宋為與此同類也

戰國策  
宋景公

髡曰今者臣從東方來見道傍有穰田者操一豚蹄酒

一盃而祝曰甌窶滿篝汙邪滿車五穀蕃熟穰穰滿家

臣見其所持者狹而所欲者奢

史記滑  
稽傳

夫無毛髮之勞而欲求人丘山之用此淳于髡所以拍

髀仰天而笑者也

後漢書張  
奐列傳

宋有澄子者亡其緇衣順塗以求之見婦人衣緇衣馬

援之而弗舍曰而以是償我矣婦人曰公雖亡緇衣然

此吾所自為者也澄子曰而弗如速以償我矣我昔所  
亡者紡緇也今子之所衣者禪緇也以禪緇而當我之  
紡緇也而豈有所不得哉子華子曰夫利之昏心也幸

於得而已矣忘其所以為質者矣

子華子  
神氣

宋人有曹商者為宋王使秦其往也得車數乘王說之  
益車百乘反於宋見莊子曰夫處窮閭阨巷困窘織屨  
槁項黃馘者商之所短也一悟萬乘之主而從車百乘  
者商之所長也莊子曰秦王有病召醫破癰潰座者得

車一乘舐痔者得車五乘所治愈下得車愈多子豈治

其痔邪何得車之多也子行矣

莊子列  
禦寇

非無安居也我無安心也非無足財也我無足心也

墨子

親  
士

魯祝以一豚祭而求百福於鬼神子墨子聞之曰是不

可今施人薄而望人厚則人唯恐其有賜於已也今以

一豚祭而求百福於鬼神唯恐其以牛羊祀也

墨子  
魯問

或曰千金之家其子不仁人之急利甚也桓公五伯之

上也爭國而殺其兄其利大也

韓非子  
難四

夫增高者崩貪富者致患

河上公註  
老子道化

臣笑臣隣之祠田也以奩飯與一鮒魚其祝曰下田滂  
邪得穀百車蟹堞者宜禾臣笑其所以祠者少而所求

者多

說苑  
復恩

臣笑臣隣之祠田也以一奩飯一壺酒三鮒魚祝曰蟹  
堞者宜禾滂邪者百車傳之後世洋洋有餘臣笑其賜

鬼薄而請之厚也

說苑  
尊賢

張騫言大宛之天馬汗血安息之真玉大烏縣官既聞

如甘水馬

鹽鐵論西域

經棗整冠意盈不厭

焦氏易林解之賁

呂不韋之盜穿窬之雄乎穿窬也者吾見擔石矣未見

雄陽也

揚子淵騫

次四夷其牙或飫之徒測曰夷其牙食不足嘉也

太玄經第

二夷

次七離如婁如赤肉鴟鴞厲測曰離婁赤肉食不臧也

太玄經

第五沈

次五雕鷹高翔沈其腹好媿

懷

惡粥

余六切

測曰雕鷹高

翔在腐糧也

太玄經  
第五沈

齧骨折齒大貪利也

太玄經  
第六闕

天之制此財也猶國君之有府庫也賦賞奪與各有衆

寡民豈得彊取多哉故人有無德而富貴是凶民之竊

官位盜府庫者也終必覺覺必誅矣盜人必誅况乃盜

天乎得無受禍焉

潛夫論  
過利

佞人知道道可以得富貴必以佞取爵祿者不能禁欲也知力耕可以得穀勉貿可以得貨然而必盜竊情欲

不能禁者也

王充論衡  
答佞篇

夫佞與賢者同材佞以情自敗偷盜與田商同知偷盜

以欲自劾也

王充論衡  
答佞篇

鳶鴟也不善搏擊貪於攫肉也

張華註  
禽經

非有通變藐世之才而偷安乎一時之利者皆豕蟲者

也

郭子註莊  
徐無鬼

禁民酤釀獨官開置如道路設木為權獨取利也

前漢書註

武帝

紀

禁閉其事總利入官而下無由以得有若渡水之權

前漢

書註武

帝紀

楚王謂淳于髡曰吾有仇在吳子寧能為吾報之乎對曰臣見來道旁野民持一頭魚上田祝曰高得萬束下

得千斛臣竊笑之以為禮薄而望多也

藝文類聚  
鱗介部魚

南州異物志曰俚人不愛骨肉而貪寶貨見賈人財物



牛犢便以子易之

太平御覽  
人事部貧

齊有一女二家求之其家語其女曰汝欲東家則左袒

欲西家則右袒其女兩袒父母問其故對曰願東家食

而西家息以東家富而醜西家貧而美也

太平御覽人  
事部美婦人

魏文侯見宋陵子三仕不碩文侯曰何貧子曰王見楚

富者牧羊九十九而願百嘗訪邑里故人其鄰人貧有

一羊富者拜之曰吾羊九十九今君之一盈我成百則

牧數足矣隣者與之從此觀之焉富者非富貧者非貧

也

太平御覽  
獸部羊

齊魯爭汶陽之田魯侯有憂色魯有隱者周豐往規曰  
臣嘗晝寢愀然聞羣虱之鬪乎衣中甘臣膏腴之肌珍  
臣項膂之膚相與樹黨爭之日夜不息相殺者大半虱  
父止之曰我與爾所慮不過容口奚用竊爭交戰為哉  
羣虱止今君以七百里地為君之臣亦以足矣而以汶  
陽數步之田惑君之心曾不如一虱之知竊謂君羞之

魯侯曰善

太平御覽  
蟲豸部蚤

又如蒼蠅而愛腐臭性之所便無由自改

玉清經通濟幽冥品

如蜂止華愛樂戀著啞吮華味以自資養蜂棄此華更處餘華或棄香入臭或棄臭入香隨其所在莫不自愛

戀結貪著

大乘顯識經推三

人心著欲無有厭足如火得薪如海吞流如頂生王雖

雨七寶王四天下帝釋分座猶不知足

三昧法門經卷六

汝心所作常求果報猶如獼猴入於稠林

本緣經毗羅摩品

天雨七寶欲猶無厭

法句經利養品

苟生無恥如鳥長喙

法句經  
塵垢品

如春熱渴牛求水不避杖突入清流中飲足乃還歸

大莊

嚴經論

卷五偈

譬如大蟒張口吐涎吸引諸物

大乘莊嚴  
經論卷六

如臭皮囊中金以貪金故不可棄於皮囊

法苑珠林  
卷七十

貪惑

亦猶竊鐘掩耳以衆人為不聞銳意盜金謂市中為莫  
覩故知貪於近者則遺遠溺於利者則傷名

晉書宣  
帝紀

夫國非其有也而欲有之可謂至貪也不能為人又無以自為可謂至愚矣譬白公之嗇也何以異於梟之愛

其子也

淮南子  
道應訓

知脂蠟之可明燈也而不知其甚多則冥之知利之可娛已也不知其稱而必有也前人以病後人以競庶民

之愚而衰閭之至也

潛夫論  
遇利

夫失志於韓而受其餽是猶魚之失水於淵而又吞其餌也受餽者傷于義吞餌者傷于舌其貪均也

天祿閣  
外史辭

受

卷五十三

昔有一人貧窮困乏與他客作得鹿褐衣而披著之有人見之而語之言汝種姓端正貴人之子云何著此麤弊衣褐我今教汝當使汝得上妙衣服當隨我語終不欺汝貧人歡喜敬從其言主人即便在前然火語貧人言今可脫汝鹿褐衣著於火中於此燒處當使汝得上妙欽服貧人即便脫著火中既燒之後於此火處求覓

欽服都無所得

百喻經  
卷上

往昔世時有婦女人始有一子更欲求子問餘婦女誰  
有能使我重有子有一老母語此婦言我能使爾求子  
可得當須祀天問老母言祀須何物老母語言殺汝之  
子取血祀天必得多子時此婦女便隨彼語欲殺其子  
傍有智人嗤笑罵詈愚癡無智乃至如此未生子者竟

可得而不殺現子

百喻經  
卷上

昔者海邊有樹木數十里中有獼猴五百餘頭時海水  
上有聚沫高數十丈像如雪山隨潮而來住於岸邊諸

獼猴見自相與語吾等上是山頭東西遊戲不亦樂乎  
時一獼猴便上頭徑下沒水底衆獼猴見怪久不出謂  
沫山中快樂無極是以不來皆競踊跳入沫聚中一時  
溺死佛借以為喻海者謂生死海也沫山者五陰身也  
獼猴者人識神也不知五陰無所有愛欲癡者從是沒  
生死海莫有出期

雜譬喻  
經下

譬如餓狗惶惶緣路遇值瓊骨久無肉膩但見赤塗言  
是厚味便就銜之至多人處四衢道中以貪味故涎流



骨上妄謂甜美或齧或舐或齧或吠歡愛纏附初無捨  
離時有利帝利波羅門及諸長者皆大富貴來遊此路  
時此餓狗遙見彼來心生熱惱作如是念彼來人者將  
無奪我所重美味便於是人發大瞋恚出深毒聲惡眼

邪視露現齒牙便行齧害

法苑珠林  
卷九十

### 貪味

太子友曰適游後園聞秋蛸之聲往而觀之夫秋蟬登  
高樹飲清露隨風撫撓長吟悲鳴自以為安不知螳螂

超枝緣條曳腰聳距而稷其形夫螳螂翕心而進志在  
有利不知黃雀盈綠林徘徊枝陰蹶蹶微進欲啄螳螂  
夫黃雀但知伺螳螂之有味不知臣挾彈危擲蹭蹬飛  
丸而集其背今臣但虛心志在黃雀不知空塹其旁閤  
忽塹中陷於深井臣故裕體濡履幾為大王取笑王曰  
天下之愚莫過於斯但貪前利不覩後患

吳越春秋  
夫差內傳

高飛之鳥死於美食深泉之魚死於芳餌今欲伐吳必  
前求其所好參其所願然後能得其實

吳越春秋勾  
踐陰謀外傳

莊辛對楚襄王曰臣聞鄙語曰見兔而顧犬未為晚也  
亡羊而補牢未為遲也臣聞昔湯武以百里昌桀紂以  
天下亡今楚國雖小絕長續短猶以數千里豈特百里  
哉王獨不見夫蜻蛉乎六足四翼飛翔乎天地之間俛  
啄蚤蚩而食之仰承甘露而飲之自以為無患與人  
無爭也不知夫五尺童子方將調飴膠絲加已乎四仞  
之上而下為螻蟻食也黃雀因是以俯噉白粒仰棲茂  
樹鼓翅奮翼自以為無患與人無爭也不知夫公子王

孫左挾彈右攝丸將加已乎十仞之上以其類為招畫  
游乎茂樹夕調乎酸醎倏忽之間墜于公子之手夫雀  
其小者也黃鵠因是以遊乎江海淹乎大沼俯嚼鱖鯉  
仰齧陵蘅奮其六翮而凌清風飄搖乎高翔自以為無  
患與人無爭也不知夫射者方將修其砮盧治其矰繳  
將加已乎百仞之上被劓磔引微繳折清風而抃矣故  
畫遊乎江河夕調乎鼎鼐夫黃鵠其小者也

戰國策楚  
項襄王

夫虎肉臊其兵利身人猶攻之也若使澤中之麋蒙虎

之皮人之攻之必萬之於虎裂楚之地足以肥國誅楚之名足以尊主今子將以欲誅殘天下之共主居三代之傳器吞三翮六翼以高世主非貪而何

史記楚世家

且夫翠鵠犀象其處世非不遠死也而所以死者惑於餌也蘇秦智伯之智非不足以辟辱遠死而所以死者

惑於貪利不止也

史記蔡澤傳

夫殺人而取其璧不知在己興累傾物而移其寵不忌

自我難持

宋書王革傳史臣

祝宗人玄端以臨牢筮說羸曰汝奚惡死吾將三月犧  
汝十日戒三日齋藉白茅加汝肩尻乎彫俎之上則汝  
為之乎為羸謀曰不如食以糠糟而錯之牢筮之中自  
為謀則苟生有軒冕之尊死得於豚楯之上聚儂之中  
則為之為羸謀則去之自為謀則取之所異羸者何也

莊子  
達生

莊周遊乎雕陵之樊覩一異鵲自南方來者翼廣七尺  
目大運寸感周之穎而集於栗林莊周曰此何鳥哉翼

殷不逝目大不覩蹇裳躩步執彈而留之覩一蟬方得  
美蔭而忘其身螳螂執翳而搏之見得而忘其形異鵲  
從而利之見利而忘其真莊周休然曰噫物固相累二

類相名也捐彈而反走

莊子  
山木

無勇者非先懾也難至而失其守也貪婪者非先欲也  
見利而忘其害也虞公見垂棘之璧而不知號禍之及

已也故至道之人不可遏奪也

淮南子  
繆稱訓

天下縣官法曰發墓者誅竊盜者刑此執政之所司也

夫法令者網其姦邪勒率隨其蹤跡無愚夫蠢婦皆知為姦之無脫也犯禁之不得免也然而不材子不勝其欲蒙死亡之罪而被刑戮之羞然而立秋之後司寇之徒繼踵於門而死市之人血流於路何則惑於財利之得而蔽於死亡之患也

淮南子  
汜論訓

臣園中有榆其上有蟬蟬方奮翼悲鳴欲飲清露不知螳螂之在後曲其頸欲攫而食之也螳螂方欲食蟬而不知黃雀在後舉其頸欲啄而食之也黃雀方欲食螳



螂而不知童挾彈丸在下迎而欲彈之童子方欲彈黃

雀不知前有深坑後有窟也此皆言前之利而不顧後

害者也非獨昆蟲衆庶若此也人主亦然

韓詩外傳

狗逐兔走俱入谷口與虎逢之迫不得去

焦氏易林觀之垢

越畝逐兔斷其禪襦

焦氏易林遜之泰

孩子含餌為利所悅探釜把甌爛其手臂

焦氏易林家人之巽

炙魚銅斗張伺夜鼠不忍香味機發為崇

焦氏易林井之坎

高飛視下貪饗所在腐臭為患害於躬身

焦氏易林震之渙

魚鼈貪餌死於網釣受危因寵為身殃咎

焦氏易林既濟之明夷

象愛養其子子長而食其母也白公愛荆國之財而殺

其身也

呂氏春秋分職解

狴狴之狀形乍如犬厥性識往為物警辯以酒招災自

貽纓罽

山海經海內南經圖譜

曠弩危機嚴鉞銜弦至可忌也而勇雉觸之而不猜閭

政亂邦惡直妬能甚難測也而貪人競之而不避故飛

鋒暴集而不覺禍敗奄及而不振

抱朴子外篇廣譬

無異乎犧牛之被紋繡淵魚之愛菴麥渴者之咨口於

雲日之酒饑人之取飽於鬱肉漏脯也

抱朴子外篇良規

寒土有獸其名曰貍生角當心俯而磨之憤心而死炎  
州有鳥其名曰梟嫗伏其子百日而長羽翼既成食母  
而飛蜀侯之迎秦牛牛逾近而身轉危何異貍磨其角  
角逾利而身速亡乎白公之遽財財逾積而身愈滅何

異梟之養子子愈長而身就害也

劉子貪愛

昔齊有貨美錦於市盜於衆中而竊之吏執而問曰汝

何盜錦於衆中對曰吾但見錦不見有人故取之耳若

斯人者眩於利而忘於害

劉子利害

黃口以貪餌而忘害故擒於羅者異鵲以見利而忘身且休於莊周是以智者見利而思難闇者見利而忘患

劉子利害

耿弇曰懷金玉者至不生歸

李善註文選鮑明遠行樂詩

天寒即飛鳥走獸尚知相依周周銜羽以免顛仆蛭蛭負屨以食美草而當路者知進趨不念暮歸所安為者

惟夸譽名故致憔悴而心悲也

李善註文選阮嗣宗詠懷詩

厚味來殃豔色危身求高反墜務厚更貧

補文選下蘭座右銘

玄鳥紆幙而不被害鳴隼遠巢咸以欲死盼彼梁魚遂

巡倒尾沉吟不決忽焉失水

廣文選董威輦答孫楚詩

愛餌銜鈎悔在鸞刀披文食菘乃啓其毛

藝文類聚人部嘲戲

譬如黃雀伺蟬不知隨彈應至青鸚逐兔詎識扛鼎方

前

藝文類聚內典部寺碑

衆人之逐世利如青蠅之赴肉汁也青蠅嗜肉汁而忘

溺死衆人貪世利而陷罪禍

藝文類聚蟲  
牙部蠅論

昔宋人臨萬仞之淵釣數寸之鱗魚將食釣不知膝之

日進有傾墮而死能誘也

太平御覽  
鱗介部魚

六韜曰緇隆餌重則嘉魚食之緇調餌芳則庸魚食之

埤雅品  
物門鱈

譬如貨易齋持雜寶遠到他國種種貪求忽被賊傷喪

其身命

海空智藏  
經持誠品

譬如大海彼岸之國多有甘露若有食者年得三千除

諸病苦安穩快樂愚癡之人貪其味故裝治船舫往彼

給取不知海中有大鱗魚能吞船舫

海空智藏  
經持誡品

猶如嶮處有草覆於岸邊多有甘露若有食者壽年千

歲永除諸病安穩快樂凡夫衆生貪其味故不知其下

有深坑即前欲取不覺墮坑遂殞其命

元陽妙  
經卷一

譬如有人欲行遠路至於曠野以饑渴所逼忽值果林  
便入彼處求食因緣欲活命故而彼之人忽遇大樹華  
果充足香美成就遇已得味得是味已更上毒樹而服

毒果服已命終

虛空孕菩薩經卷下

如蛾貪火光不避滅身難

中陰經卷下

如得酒病昏醉不醒乃至數劫猶不得覺酒消始悟

金剛

三昧經卷上

財色之於人譬如小兒貪刀刃之蜜甜不足一食之美

然有截舌之患也

佛說四十二章經尺一

昔有婆羅門家中巨富又乃耆年唯有一子年纔十六  
母即喪亡彼婆羅門不能鰥獨遂再婚聚未久之間妻



乃有姪妻未生產其婆羅門尋亦命終於是其子白繼  
母言家中財物金銀珍寶乃至一切受用之具悉屬於  
我更無別人分我財物時彼繼母聞子語已即告子言  
我今所懷汝父遺體待其長育與汝均分其子時復再  
言其事母起思念此子年幼情性癡騃雖與深言未能  
分曉又以貪惜欲疾婉身多設方便求於速產日月未

滿返損其孕

大正旬  
王經上

若城失火中有富者為衆導師見舍燒壞貪於寶物不

顧身命突前入火至寶藏篋邊有虺篋爾時導師既畏  
盛火烟熏其目心中憤憤不諦省察誤取虺篋挾之走  
出賊隨後追逼之欲近則更思之我當解篋取中要者  
以著懷中置餘退去爾乃安隱則開篋視唯見毒蛇乃  
知非寶是虺虺耳

修行道地  
經觀品

往有商人貸他半錢久不得償即便往債前有大河雇  
他兩錢然後得度到彼往債竟不得見來還度河復度  
兩錢為半錢債而失四錢兼有道路疲勞之困所債甚

少所失甚多果被衆人之所怪笑世人亦爾要少名利

致毀大行苟容己身不顧禮義現受惡名後得苦報

百喻

經卷  
上

昔有一乳母抱兒涉路行道疲極睡眠不覺時有一人持歡喜丸授與小兒小兒得已貪其美味不顧身物此

人即時解其鉗鑼瓔珞衣物都盡持去

百喻經  
卷下

昔有一人遭事應死繫在牢獄恐死而逃走國法若有死囚踰獄走者即放狂象令蹈殺於是放狂象令逐此

罪囚囚見象欲至走入墟井中下有一大毒龍張口向上復四毒蛇在井四邊有一草根此囚怖畏一心急捉此草根復有兩白鼠嚙此草根時井上有一大樹樹中有蜜一日之中有一滴蜜墮此人口中其人得此一滴但憶此蜜不復憶種種衆苦便不復欲出此井是故聖人借以為喻獄者三界囚衆生狂象者無常井衆生宅也下毒龍者地獄也四毒蛇者四大也草根者人命根也白鼠者日月也日月尅食人命日日損減無有暫住

然衆生貪著世樂不思大患是故行者當觀無常以離

衆苦

衆經撰釋  
譬喻經

財物危身猶如毒蛇無得貪著譬如昔日佛遊波斯匿  
王國中見地有伏藏滿中寶物佛語阿難汝見是毒蛇  
不阿難言已見時有人隨佛後行聞此語試往看之見  
有好寶嫌佛此語謂為虛綺此實是寶而言為毒蛇其  
人即時私將家人大小取此寶物其家大富有人向王  
言之此人隨得寶藏而不輸官王即收繫責其寶物即

時輸盡王故不信更多方拷治之痛毒備至

衆經撰襍譬喻經

昔時有二獼猴王各主五百獼猴一王起嫉妬意欲殺一王規圖獨治便往共鬪數數不如羞慚退去到大海邊海曲之中有水聚沫風吹積聚高數百丈獼猴王愚癡謂是雪山語羣輩言久聞海中有大雪山其中快樂甘果恣口今日乃見吾當先到往行看視若審樂者不能復還若不樂者當來語汝於是上樹盡力跳騰投聚沫中溺沒海底餘者怪之不出謂必大樂一一投中斷

羣溺死

法句譬喻經  
卷三地獄品

如蠅墮蜜得味甚寡所失甚多

無明羅  
刹經

世間極渴無過於愛如飲鹹水逾增其渴飲有鹹水逾

增其愛

無明羅  
刹經

譬如愚人貪著好果上樹食之不肯時下人伐其樹樹

傾乃墮身首毀壞痛惱而死

大智度論  
卷十七

亦如網羅蝕魚獸貪其味不見後苦患

大莊嚴經  
論卷二偈

曾聞舍衛國中佛與阿難曠野中行於一田畔見有伏

藏佛告阿難是大毒蛇阿難白佛是惡毒蛇爾時田中  
有一耕人聞佛阿難說有毒蛇作是念言我當視之沙  
門以何為惡毒蛇即往其所見真金聚而作是言沙門  
所言是毒蛇者乃是好金即取此金還置家中其人先  
貧衣食不供以得金故轉得富饒衣食自恣王家榮尙  
怪其卒富而糺舉之繫其獄中先所得金既已用盡猶  
不得免將加刑戮其人唱言毒蛇阿難惡毒蛇世尊傍  
人聞之以狀白王王喚彼人而問之曰何故唱言毒蛇



阿難惡毒虵世尊其人白王我於往日在田耕種聞佛  
阿難說言毒虵是惡毒虵我於今者方及悟解實是毒


虵

大莊嚴經  
論卷六

譬如嬰孩者捉火欲食之如魚吞鉤餌如鳥網所覆諸

獸墜窞陷皆由貪味故

大莊嚴經  
論卷七偈



喻林卷五十三

欽定四庫全書

子部  
喻林卷五十四

詳校官中書臣朱文翰

主事臣祁韻士覆勘

總校官原任中允臣王燕緒

校對官中書臣朱炘

謄錄舉人臣曹勳祖

欽定四庫全書

喻林卷五十四

明 徐元太 撰

人事門 五十二

昧禍

昭公之朝其羣臣皆小人也徒整飾其衣裳不知國之

將迫魯君臣死亡無日如渠略然

鄭氏箋  
詩蟋蟀

人皆知暴虎馮河立至之害而無知當畏慎小人能危

亡也

鄭氏箋  
詩小旻

蟬蟞之小蟲朝生夕死不知己之性命死亡在近有此  
羽翼以自脩飾以興昭公之朝廷皆小人不知國將迫  
脅死亡無日猶整飾此衣裳以自脩潔

毛詩正義  
蟬蟞正

禽獸被人所驅納於罟獲陷阱之中而不知違辟似無  
知之人為嗜欲所驅入罪禍之中而不知辟

禮記正義  
中庸

田華之為陳軫說秦惠王曰臣恐王之如郭君夫晉獻  
公欲伐郭而憚舟之僑存荀息曰周書有言美女破舌  
乃遺之女樂以亂其政舟之僑諫而不聽遂去因而伐

郭遂破之又欲伐虞而憚宮之竒存荀息曰周書有言  
美男破老乃遺之美男教之惡宮之竒宮之竒以諫而  
不聽遂亡因而伐虞遂取之

戰國策秦  
惠文君

夫抱火厝之積薪之下而寢其上火未及燃因謂之安

方今之執何以異此

前漢書  
賈誼傳

安危亡於旦夕肆嗜慾於目前奚異涉海之失拖積薪

而待燃

後漢書文  
苑列傳

往車雖折而來軫方道

後漢書左周  
黃列傳論

傳曰截趾適屨孰云其愚何與斯人追欲喪軀

後漢書荀叔子

爽傳

馳騫覆車之轍探湯敗事之後後出益可怪晚發愈可

懼耳

後漢書范升傳

四海為羅網天下為敵人舉足遇害動搖觸患履深淵之薄冰不為唬涉千鈞之發機不知懼何如其知也

後漢

書馮衍註傳

國有露根之漸而莫之恤也

吳志陸凱傳

天子居綴旒之運人臣微覆餗之憂於是竊勢擁權黷  
明王之彝典窮奢縱侈假凶豎之餘威繡栢雕楹陵跨  
於宸極驪珍冶質充牣於帷房亦猶犬彘腴肥不知禍

之將及

晉書王湛列傳

獨不見羣蝨之處禪中逃乎深縫匿乎壞絮自以為吉  
兆也行不敢離縫際動不敢出禪襠自以為得繩墨也  
然炎丘火流焦邑滅都羣蝨處於禪中而不能出也君  
子之處域內何異夫蝨之處禪中乎

晉書阮籍傳



高蟬處乎輕陰不知螳螂襲其後也

晉書王祥列傳

自謂勢擅狐鼠理隔熏掘

宋書謝晦傳

苟欲狗意於前塗不覺坑窞在其側

北齊書文襄帝紀

商人用一布布不敢繼苟而讐焉必擇良者今士之用

身則不然意之所欲則為之厚者入刑罰薄者被毀醜

則士之用身不若商人之用一布之慎也

墨子貴義

楚莊王欲伐越杜子諫曰王之伐越何也曰政亂兵弱

杜子曰臣愚患之智如目也能見百步之外而不能自

見其稔王之兵自敗於秦晉喪地數百里此兵之弱也  
莊驕為盜於境內而吏不能禁此政之亂也王之弱亂  
非越之下也而欲伐越此智之如目也王乃止故知之

難不在見人在自見故曰自見之謂明

韓非子  
喻老

孔子曰鶩爵爭善處於一屋之下母子相哺也區區焉  
相樂也自以為安矣竈突決上棟焚燕爵顏色不變是  
何也不知禍之將及之也不亦愚乎為人臣而免於燕  
雀之智者寡矣夫為人臣者進其爵祿富貴父子兄弟

相與比周於一國區區焉相樂也而以危其社稷其為  
竈突近矣而終不知也其與燕雀之智不異故曰天下  
大亂無有安國一國盡亂無有安家一家盡亂無有安  
身此之謂也故細之安必待大大之安必待小細大賤  
貴交相為贅然後皆得其所樂

呂氏春秋論大

避患東西反入禍門

焦氏易林鼎之巽

欲避凶門反與禍隣

焦氏易林艮之无妄

去安就危墜陷井池破我玉螭

焦氏易林旅之剝

蜘蛛作網以伺行旅青蠅嘍聚觸我羅域

焦氏易林  
未濟之蠱

鷗水鳥潮至則翔水嚮以為信反為鷲鳥所擊是知信

而不知所以自害也

張華註  
禽經

鷓狀類鷲紺色錯出有文色水際伺蚌出啄啄食之反

為蚌所持死水中不知所食以為害

張華註  
禽經

根露基頽危猶巢幕而自比於天日擬固於泰山

抱朴  
外篇

君  
道

夫鳶不維網麟不墮窞相彼鳥獸猶知為患風塵之徒

曾是未吝也

抱朴子外篇嘉遯

夜鬪人船人必擠已於水也

莊子音義徐無鬼

顧非累卵於疊棋馬至觀形而懷怛

文選魏都賦

坐積薪以待然方指日而比盛

文選西征賦

是由桓侯抱將死之疾而怒扁鵲之先見以覺痛之日

為受病之始也

文選嵇叔夜養生論

將軍魚游於沸鼎之中鷺巢於飛幕之上不亦惑乎

文選

丘希範與陳伯之書

安臥積薪日待焚熾

藝文類聚  
人部說

輕羽不高翔自用絃網羅纖鱗惑芳餌故為釣所加

藝文

類聚鱗  
介部螺

不安其昧而樂其明是猶夕蛾去暗赴燈而死也

藝文  
類聚

蟲豸  
部蛾

櫻桃為樹則多陰為菓則先熟有蟬鳴焉聊命黏取退

惟彼蟬之得意於斯樹不知黏之將至亦猶人之得意

於富貴而不虞禍之將來也

事文類聚  
蟬傳成賦

文王問曰人有太忘乎對曰太忘知其身之惡而不改

也以賊其身乃喪其軀有行如此之謂太忘

太平御覽  
人事部迷

忘

譬如猿猴跳躑恃便忽懼機辟自喪身本

無上內秘藏  
經妙德品

譬如陸鳥愛其尾終為射夫之所得

靈寶自  
然妙經

如鷓鴣鳥愛其尾尾為射獵者所得

四願經  
敬入

此羣牛本有千頭在外瞻守掌不牢固為虎惡獸所見

噉食死者過半餘不覺知方相抵觸跳踉喚吼傷其無

智何乃甚哉

出曜經一  
無常品

猶如毒藥顏色成就香美且甘若人遇病而服此藥咽

喉通利入腹未久即喪命根

出曜經  
三欲品

猶如有人行過山險兩邊險峻閉眼而過不知身危或

致命終

出曜經  
八行品

以欲網自蔽以愛蓋自覆自恣縛於獄如魚入筍口

法  
句

經愛  
欲品

世皆沒淵渺克度岸

法句經  
明哲品



譬如蒼蠅在蜜器中有人拔出心猶樂著以樂著故乃

至喪命

本緣經月光王品

昔有一人在路而行道中得一金鼠狼心生喜踊持置懷中涉道而進至水欲渡脫衣至地尋時金鼠變為毒蛇此人深思寧為毒蛇螫殺要當懷去心至冥感還化為金傍邊愚人見其毒蛇變成真實謂為恒爾復取毒蛇內著懷裏即為毒蛇之所螫螫喪身殞命

百喻經卷下

昔有屠兒有千頭牛養令肥好日殺一牛賣肉已殺五

百牛餘有五百頭方共跳騰諠戲共相舐觸天尊時入國見牛如此愍而捨去語諸弟子此牛愚癡伴侶欲盡

方共戲諠人亦如是

阿育王譬喻經基一

如犛牛愛尾不惜身壽命

大智度論卷四

譬如愚人見師子王饑時睡眠而欲寤之如人以指置

毒蛇口如欲以手觸灰覆火

法苑珠林卷五十五

### 禍原

洪範五行傳云視之不明時則有羽蟲之孽聽之不聰

時則有介蟲之孽言之不從時則有毛蟲之孽貌之不

恭時則有鱗蟲之孽思之不睿時則有倮蟲之孽

尚書正義

高宗

彤日

白華周人刺幽后也幽王取申女以為后又得褒姒而

黜申后

毛詩白華

燎火方奮揚之時炎熾燁怒寧有能滅息之者以喻宗  
周方隆盛之時王業深固寧有能滅亡之者言此二者  
皆盛不可滅亡也然此燎雖熾盛而水能滅之則水為

甚矣以興周國雖盛終將衰如滅之則衰如惡甚矣

毛詩

正義

正月

華元殺羊食士其御羊斟不與及戰曰疇昔之羊子為

政今日之事我為政與入鄭師故敗

左傳宣公二年

天有六氣降生五味發為五色徵為五聲淫生六疾六

氣曰陰陽風雨晦明也分為四時序為五節過則為菑

陰淫寒疾陽淫熱疾風淫末疾雨淫腹疾晦淫惑疾明

淫心疾

左傳昭公元年

詩云燎之方陽寧或滅之赫赫宗周褒姒滅之

前漢書谷永傳

何寤青蠅飛於干旄無極游於二壘使股肱分為二體

背胸絕為異身

魏志袁紹傳註

荆山鵲飛而玉碎隋岸蛇生而珠死

周書庾信傳

墻壞於其隙木毀於其節斯蓋其分也

鬼谷子謀篇

辯慧亂之贊也禮樂淫泆之徵也慈仁過之母也任譽

奸之鼠也亂有贊則行淫泆有徵則用過有母則生姦

有鼠則不止

商子說民

肉腐出蟲魚枯生蠹怠慢忘身禍災乃作

荀子  
勸學

輕慮重事厚誅薄罪久怨細過長侮偷快數以德追禍

是斷手而續以玉也故世有易身之患

韓非子  
用人

有人自南方來鮒入而鮠居使人之朝為草而國為墟

呂氏春  
秋貴直

福生於無為患生於多慾害生於弗備穢生於弗辨

淮南

子綽  
稱訓

昔者齊簡公釋其國家之柄而專任其大臣將相攝威

擅勢私門成黨而公道不行故使陳成田常鴟夷子皮  
得成其難使呂氏絕祀而陳氏有國者此柔懦所生也  
鄭子陽剛毅而好罰其於罰也執而無赦舍人有折弓  
者畏罪而恐誅則因獬狗之驚以殺子陽此剛猛之所

致也

淮南子  
汜論訓

使葉落者風搖之使水濁者魚撓之

淮南子  
說林訓

魯季氏與郈氏鬪雞郈氏介其雞而季氏為之金距季  
氏之雞不勝季平子怒侵郈氏之宮而築之故禍之所

從生者始於雞距

淮南子人間訓

政有招寇行有招耻弗為而自至天下未有

說苑談叢

卻大墻壞蠹衆木折

焦氏易林乾之大壯

怨重被燒忿怒生禍

焦氏易林恒之巽

陰作大奸欲君勿言鴻鵠利口發其禍亂

焦氏易林巽之中孚

上九竈滅其火唯家之禍測曰竈滅其火國之賊也

太玄

經第  
四竈

不仁之質勝則伎力為害器貪悖之性勝則強猛為禍



梯

劉邵人物志八觀

車以喻君馬以喻臣言車覆者國君危也馬顛仆者所

任非人

王逸註楚辭九章

獨知猛雨之霑衣而不知雲氣之所作唯患飛埃之糝

目不覺滕風之所為也

抱朴子外篇酒誡

平叔以黨曹爽見誅觸死權之網也輔嗣以多笑人被

疾陷好勝之阱也

顏氏家訓務學

婦人為政猶雌雞而代雄鳴是喪家之道也

前漢書註五行志

不制之臣相與比周比周者宮隣金虎言小人在位比周相進與君為隣貪求之德堅若金讒謗之言惡若虎

也

李善註文選東京賦

蠹衆則木折隙大則牆壞不勝而生不敗而亡自古及

今未嘗有也

意林商君書

季孫行父秃晉郤克眇衛孫良夫跛同時而聘于齊齊使秃者逐秃者眇者眇者跛者逐跛者蕭同叔子虎臺上而笑之聞於客客不說而去相與立胥間而語移

日不解齊人有知之者曰齊之患自此始也

藝文類聚  
治政部奉

使

百病之始生也必先於皮毛邪中之則腠理開開則入  
客於絡脉留而不去傳入於經留而不去傳入於府廩  
於腸胃邪之始入於皮也泝然起毫毛開腠理其入於  
絡也則絡脉盛色變其入客於經也則感虛乃陷下其  
留於筋骨之間寒多則筋攣骨痛熱多則筋弛骨消肉

燮腠破毛直而敗

黃帝素問內  
經皮部論

夫邪之客於形也必先舍於皮毛留而不去入舍於孫  
脉留而不去入舍於絡脉留而不去入舍於經脉內連  
五藏散於腸胃陰陽俱感五藏乃傷此邪之從皮毛而  
入極於五藏之次也如此則治其經焉今邪客入於皮  
毛入舍於孫絡留而不去閉塞不通不得入於經流溢

於大絡而生奇病也

黃帝素問內  
經調經論

木之所傷也皆傷其枝枝之剛脆而堅未成傷也人之  
有常病也亦因其骨節皮膚腠理之不堅固者邪之所

舍也故常為病也

黃帝素問靈樞經五變

言九級之臺起於一簣之士喻九夜之禍起乎一念染

心道德經註

疏卷六

冬極溫而春有狂疫夏極涼而秋有瘧痢

攝生養性論

罪莫大於淫禍莫大於貪咎莫大於讒此三者禍之車

小則危身大則危家

養性延命錄教誡篇

重衣厚褥體不勞苦以致風寒之疾厚味脯腊醉飽厭飲以致聚結之病美色妖嬈嬪妾盈房以致虛損之禍

淫聲哀音怡心悅耳以致荒耽之惑馳騁遊觀弋獵原野以致發狂之失謀得戰勝兼弱取亂以致驕逸之敗

養性延命  
錄教誡篇

云何良醫善知病源謂良醫善知此病因風起痰癢起涎唾起衆冷起因現事起時節起是名良醫善知病源

雜阿舍經  
卷十五

麤言利刀劔貪欲礮毒藥瞋恚熾盛火無明極重暗

請天

問經  
當三

是老病死常害衆生猶如果樹多人所擲

本緣經持  
王子品

譬如惡電傷害五穀亦如猛火焚燒乾草又如暴風吹

拔大樹又如師子殺害諸禽獸

本緣經毘  
羅摩品

吾人知此五盛陰身為衆箭的

本緣經毘  
羅摩品

芭蕉以實死竹蘆實亦然駟驢坐妊死士以貪自喪

法  
句

經利  
養品

愛欲意為田媼怒癡為種

法句經  
愛欲品

以媼樂自裏譬如蠶作繭

法句經  
愛欲品

如木出火還自燒身若如芭蕉生實便枯如驟懷軀還

自危身

脩行道地  
經慈品

猶鹿母初乳兒小逐母東西戀其子不能遠逝時師子  
獸王審知鹿母不能離子時往搏撮鹿母子俱喪所以

然者以鹿母戀其子故師子得便

出曜經四  
無放逸品

此六根者危如鷲巢亦如水泡又如初生癰不久當潰

無明羅

刺經

是無明者於生死曠路而作導首能燃生老病死之火



火聚是諸煩惱結業之母閉涅槃門開衆惡趣能作大  
形彌綸三界遍一切處放逸大頭疑結廣額幻惑醜面  
邪念疱鼻邪見之目膜眼童子四倒掣電伺怨報惡多  
毛眈耳欺誑詐偽深廣邃眉瞋恚忿戾以為利牙貪欲  
醜惡作上麤脣嫉妬頑弊返脣下垂邪命謫曲虛假矯  
稱貪嗜利養以為利齒六十二見以為其髮三受饕餮  
以為長咽八邪疣贅以為肩臂諸惡律儀以為長爪忍  
受結業以為兩乳不知馱足膝脹洪大以為其腹睡悔

深黑以為其臍多欲貪愛以為陰尻十八諸界以為兩  
髀非法惡欲以為兩膝我見人見以為脚足無慚大象  
垢穢濕皮以為衣服無愧青惡汚膩麤褐以為其被坐  
結使牀眾結羅刹以為侍從處彼煩惱諸惡羅刹大眾

之中

無明羅刹經

著欲之人亦如獄囚如鹿在圍如鳥入網如魚吞鈎如  
豹搏狗如鳥在鷓羣如蛇值野猪如鼠在猫中如羣盲  
臨坑如蠅著熟油如僮人在陣如瞽人遭火如入沸鹹

河如舐蜜塗刀如四衢鬻肉如薄覆刀杖如華覆不淨

如蜜塗毒嚙如毒蛇篋

大智度論  
卷十七

養禍

紂與亡人為主亡人歸之若蟲之窞聚魚歸淵府獸集

藪澤言紂為大姦也

尚書正  
義武成

始者信以彼管蔡之屬雖有流言之罪如鷓鴣之小不

登誅之後反叛而作亂猶鷓鴣之翻飛為大鳥也

鄭氏箋  
詩小雅

圃者所以殖菜蔬也杞非可食之物我有圃生之杞以

喻南蒯在費欲為亂也

春秋正義昭公十二年

夫養稂莠者傷禾稼，惠女軌者賊良民。

後漢書王符列傳

猶種枳棘於良田，養虺蛇於室內也。

後漢書段熲列傳

羌雖外患，實深內疾。若攻之，不根。是養疾疴於心腹也。

後漢書西羌傳

養癰長疽，自生禍殃。

後漢書馮衍傳

競令虎豹窟於麋場，豺狼乳於春園。

後漢書劉陶傳

是川瀆並決而莫敢之塞，游積蹂稼而莫之楚也。

後漢書朱

睥列  
傳註

驕縱吳楚養虺成蛇

吳志孫權傳註

所謂獨坐窮山放虎自衛者也

華陽國志

是使長蛇弗翦封豕假息

晉書慕容德記

一今蔓草難鉏消流泛酌豈直疥癢輕疴容為心腹重

患

南齊書王融傳

養傅翼之飛獸子貪心之野狼

北齊書文苑顏之推傳

何異於善砥礪錒而予射子自禍必矣

賈子新書藩傷

養虎牧狼還自賊傷

焦氏易林  
訟之明夷

次八常疾不疾咎成不詰測曰常疾不疾不能自治也

太玄經  
第四常

夫性惡之民民之豺狼雖得放宥之澤終無改悔之心

潛夫論  
述赦

累之重乃易毀也舉之高乃易踣也以喻潛王驕亂之

甚乃易破也

呂氏春秋  
行論解

起衆患於須臾結百痾於膏肓奔駟不能追既往之悔

思改而無自反之蹊

抱朴子外  
篇酒誡

積薪若山縱火其下火未及燃一杯之水尚可滅也及至火猛風起雖傾河海不能救也秦昭王是積薪而縱火其下始皇燃而方熾二世起風而怒也

意林物  
理論

若諸愚癡人無有善方便將火置於掌便為火所燒

大寶

積經三

十一

惡生於心還自壞形如鐵生垢反食其身

法句經  
塵垢品

昔有一國五穀熟成人民安寧無有疾病晝夜伎樂人

無憂惱王問羣臣我聞天下有禍何類答曰臣亦不見  
王便使一臣至於隣國求覓買之天神則化作一人於  
市中賣之狀類如豬持鐵鑊繫縛賣之臣問此名何等  
答曰禍母臣曰賣不答曰賣問索幾錢答曰千萬問曰  
此食何等答曰食針一升臣便家家發求覓針如是人  
民兩兩三三相逢求針使諸郡縣處處擾亂百姓所在  
之處患毒無僚臣白王曰雖得禍母致使民亂男女失  
業欲煞棄之未審許不王言大善便於城外將殺刺硬



不入所則不傷割而不死積薪燒之身赤如火便走出  
去過里燒里過市燒市入城燒城入國燒國擾亂人民  
饑餓困苦坐由獸樂買禍所致苦也此喻女色欲火所  
燒男女貪毒至死不知苦也

法苑珠林  
卷四十六

### 寡效

譬如醫之藥人之有病者然今有醫於此和合其藥於  
天下之有病者而藥之萬人食此若醫四五人得利焉  
猶謂之非行藥也故孝子不以食其親忠臣不以食其

君

墨子非  
攻中

嗛囁囁嚙昧冥相持多言少實語無成事

焦氏易林  
謙之乾

掘井得石勞而无功

焦氏易林  
明夷之革

譬如假穀於夷齊之門告寒於黔婁之家所得者不過

橡粟緇褐必無大牢之饕錦衣狐裘矣

抱朴子內  
篇祛惑

為者如牛毛獲者如麟角也

抱朴子內  
篇極言

夫衣無蔽膚之具資無謀夕之儲而高談陶朱之術自  
同猗頓之策取譏論者其理必也抱痼疾而言精和鵲

之伎屢奔北而稱究孫吳之筭人信者以無效也

抱朴

子內篇

微旨

徒聞振翅竦身不能凌厲九霄騰跚玄極攸斂曩倫者

非英偉也

抱朴子外篇嘉遜

居有事之世而耻為權謀譬猶鑿地抱甕難以求富嗟乎子羽何異牢檻之熊深窞之虎石間餓蟹竈中之鼠

事力雖多而見功甚少

廣文選張敏顯責子羽文

雖榮華熠熠無結秀之効終年之勤無一日之功

藝文類聚

人部鑒

誠誠

徒誓蠡管之誠終沈熒爝之用

藝文類聚職官部太守表

遂日奉羈勤有事風塵徒備烏背之毛曾無馬箠之力

藝文類聚職官部司徒表

官部司徒表

効闕淚河功慙汗海

藝文類聚職官部尚書令表

生亂

白華於野已漚名之為管管柔忍中用矣而更取白茅收束之茅比於白華為脆喻王取於申申后禮儀備任

妃后之事而更納褒姒褒姒為孽將至滅國

鄭氏箋  
詩白華

白雲下露養彼可以為菅之茅使與白華之菅相亂易

猶天下妖氣生褒姒使申后見黜

鄭氏箋  
詩白華

青黃黻黼文章之觀盡而五色渝宮徵還激生生之聲  
足而八音汨陸有繅罝水有網罟而飛羽伏鱗無以幸

其生矣

子華子陽  
城胥渠問

夫水積則生相食之魚土積則死自穴之獸禮義飾則  
生偽匿之本夫吹灰而欲無昧涉水而欲無濡不可得

也淮南子  
齊俗訓

神農之初作琴也以歸神及其淫也反其天心夔之初  
作樂也皆合六律而調五音以通八風及其衰也以沈  
湎淫康不顧政治至於滅亡蒼頡之初作書以辯治百  
官領理萬事愚者得以不忘智者得以志遠至其衰也  
為奸刻偽書以解有罪以殺不辜湯之初作囿也以奉  
宗廟解馮之具簡士卒習射御以戒不虞及至其衰也  
馳騁獵射以奪民時罷民之力堯之舉禹契后稷舉陶

政教平姦宄息獄訟止而衣食足賢者勸善而不肖者懷其德及至其末朋黨比周各推其與廢公趨私外內

相推舉姦人在朝而賢者隱處

淮南子  
秦族訓

使民居處相司有罪相覺於以舉姦非不掇也然而傷和睦之心而構仇讐之怨故事有鑿一孔而生百隙樹一物而生萬業者所鑿不足以為便而所開足以為敗所樹不足以為利而所生足以為穢

淮南子  
秦族訓

太上空市其次不偷竊其次不掠奪上以功惠綏民下

以財力奉上是以上下相與空市則民不與民不與則  
為巧詐而取之謂之偷竊則民備之備之而不得則暴  
迫而取之謂之掠奪民必交爭則禍亂矣

申鑒  
政體

言車載衆輕之物以折其軸而不可乘其過咎由重衆  
雜載衆多之故也以言國君聽用羣小之言則壞敗法

度而自傾危也

王逸註楚  
辭七諫

蜜網裁而魚駭宏羅制而鳥驚

陶靖節  
集賦



喻林卷五十四